



## Publicaziuns officialas dils 07-05-2010

---

### Damonda da baghegiar

Nr. 33/2010

Datum da publicaziun: 07-05-2010

Patrun: Beat e Veronika Wasser-Deplazes, 5012 Schönenwald

Representant: WIGASOL AG, 4626 Niederbuchsiten

Object: Niev curtin d'unviern vid la casa nr. d'assec 376 sin parcella nr. 4796 a Surrein-Encarden.

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 07-05-2010

Cumissiun da baghegiar

### Radunonza da vischnaunca

**venderdis, ils 7 da matg allas 20.00 uras en casa da scola a Rabius**

#### *Gliesta da tractandas*

1. Avertura e beinvegna
2. Elecziun da 2 dumbravuschs
3. Approbaziun dil protocol dalla davosa radunonza communal dils 17-12-2009
4. Tractaziun ed approbaziun dil project adattaziun Casa s. Martin per mauns dalla votaziun all'urna
5. Orientaziuns
6. Varia

Il documents tier tractandas 4 san vegnir retratgs sin canzlia.

**PS:** Dil protocol dalla radunonza communal dils 17-12-2009 sa vegnir priu investa sin canzlia communal durant las uras da spurtegl. Avon radunonza ei il protocol ultra da quei exponius per investa. Il protocol sa era vegnir abonnaus per la summa da frs. 25.00 per onn tier l'administraziun communal.

Sumvitg, 07-05-2010

Suprastonza communal

## **Serrada dalla via Marias a Rabius per tut il traffic cun excepziun dil traffic agricol**

El decuors digl onn 2000 ha la suprastonza communal giu decidiu da schar carrar il traffic grev viers Igny e Surrein silla via da Marias ed aschia deviar quel entuorn il vitg da Rabius. La via da Marias ei ina via da funs che ei vegnida construida entras la meglieraziun funsila da Rabius. Duront il temps da quei sviament dil traffic grev ha la via pitiu massiv. Ussa stuess ella vegnir sanada totalmein per vinavon saver ademplir las pretensiuns dil traffic grev hodiern. Ina tala sanaziun muntass per la vischnaunca ina gronda grevezia finanziaria. La suprastonza communal ei dil meini ch'il traffic grev duei carrar silla via cantunala e buca silla via da funs. Ord quei motiv ha la suprastonza communal decidiu da serrar la via da Marias per tut il traffic cun excepziun dil traffic agricol. Il scamond entra immediat en vigur.

Sumvitg, 07-05-2010

La suprastonza communal

## **Administraziun communal**

Sur Anceinza ei l'administraziun communal serrada **naven da mesjamna ils 12 da matg allas 17.00 entochen gliendisdis ils 17 da matg allas 08.00.**

Sumvitg, 07-05-2010

Administraziun communal

## **Elevaziun da structuradas agricolas 2010**

### ***Dumbraziun d'animals 2010***

Quella ha liug **mardis, ils 4 da matg 2010**. Ils dumbraders supplicheschan tuts possessurs d'animals d'esser contonschibels quei di e d'haver semtgau il diember d'animals ch'els possedan tenor la gliesta da TVD. Menaschis novs ston vegnir annunziats al gerau d'agricultura.

### ***Formulars cultivaziun da funs***

Ils formulars per la cultivaziun da funs obtegn mintgin il di dalla dumbraziun da tiers. Nus supplichein da controllar els e far ponderaziuns per novas annunziats. Impurtont ei d'annunziar novas cultivaziuns e novas parcellass sco era cultivaziuns ecologicas. Quellas annunziats valan sco basa pils pagaments dallas contribuziuns.

Correcturas vid ils formulars vegnan fatgas entras il gerau d'agricultura. Nus supplichein da buca far sez talas. Per exequir quella lavur havein nus fixau

***gievgia, ils 6 da matg 2010 e venderdis, ils 7 da matg 2010  
(stanza da seduta sper la canzlia communal)***

dallas 09.00 entochen 12.00 uras

dallas 13.00 entochen 16.00 uras

Pils purs che adempleschen lur obligaziuns d'annunzia sur il portal digl internet han d'avisar il cau dil departamentcommunal d'agricultura sur dall'execuziun cun inoltrar il formular suttascret entochen ils 7 da matg 2010.

Nus supplichein Vus da setener vid quellas directivas e da risguardar il termin fixau.

Sumvitg, 07-05-2010

Departament communal d'agricultura

## Vignettas da mopeds

La vignetta da mopeds 2010 sa vegnir retratga tier l'administraziun communal. La taxa munta a **frs. 55.-**.

Sumvitg, 07-05-2010

Administraziun communal

## 1. e 2. reala/secundara Sumvitg: Preavis

L'emprema e la secunda reala/secundara Sumvitg envidan tuts interessai allas presentaziuns da lur musical «**Dave**» che han liug **venderdis, ils 21 da matg e sonda, ils 22 da matg** (cun stiva da caffè) mintgaga allas 20.00 en casa da scola a Sumvitg. Cordial beinvegni **1. e 2. reala/secundar Sumvitg cun lur scolastas e scolasts**

## Rimnada da pupi

Nus rimnein pupi e cartun venderdis, **ils 28 da matg 2010**. La rimnada a Sumvitg, Cumpadials (cun uclauns) vegn fatga dallas scolas avonmiezdi, a Surrein il suentermiezdi. A Rabius vegn il pupi rimnaus il medem di dallas uniuns, quei denton per la sera! Ils rimnaders supplicheschan da ligiar il pupi ed il cartun separatamein e bein. Per Vossas breigias engrazian ils responsabels gia ordavon. *Il meinascola*

## Uniuns da dunnas dalla vischnaunca Sumvitg

Caras commembras

Nus s'entupein danovamein **venderdis, ils 7 da matg** per far caltschiel ell'ustria Greina a Surrein allas 13.30. Tuttas ein beinvegnidas! Cordials salids *las suprastonzas*

## Uniun da dunnas Sumvitg/Cumpadials

Preziadas senioras, preziai seniors dalla pleiv!

La Casa s. Giusep Cumpadials ensemen cun l'uniun da dunnas envidan Vus ad in survetsch divin cun s. Uncziun **ils 11 da matg 2010** allas 15.30 en Casa s. Giusep. Silsuenter porscha la casa a Vus ina pintga tscheina. Fagei aschi bien e s'annunziei entochen **ils 8 da matg** tier Marianna Monn (tel. 081 943 19 82). Cordials salids *la suprastonza*

## Uniun da dunnas Rabius

Il temps dalla schubergiada da primavera vegn e perquei duvrein nus era Tiu sustegn. La baselgia les puspei tarlischar, cun **lumpa e sadiala** Ti sas gidar. **Mardis, ils 18 da matg 2010 allas 13.00** lavein nus ora la baselgia ed essan engrazievlas per mintgina che sa metter a disposiziun in tec da siu temps per far quella lavur da cuminonza. In grond engraziament gia ordavon! *La suprastonza*

## **Societad da tir Vial Sumvitg**

### **Tir obligatori 2010**

La Societad da tir Vial Sumvitg envida al tir obligatori il suandonts termins:

**Anzeinza, ils 13 da matg 2010 dallas 17.00–20.00**

**Dumengia, ils 29 d'uoost 2010 dallas 18.00–20.00**

**Adatg!** Tiradurs obligai ston presentar il camond da tir sco era il cudisch da sittar, resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

## **Tiaratriembel a Haiti**

La spindrera Marlies Vincenz da Vella raquenta da sia expediziun humanitara en in spital campester a Haiti. **Mardis, ils 11 da matg 2010 allas 20.00 en casa da scola a Sumvitg.** Cordialmein envida *la cumissiun da cultura Sumvitg*

## **Radunonza generala da Sumvitg Turissem**

**Venderdis, ils 21 da matg 2010 allas 20.00 ell'ustria Staziun a Sumvitg.**

### **Gliesta da tractandas:**

1. Beinvegner
2. Elecziun d'in dumbravuschs
3. Approbaziun dil protocol 2009
4. Rendaquen 2009
5. Rapport dils revisurs
6. Approbaziun dil quen 2009
7. Preventiv 2010
8. Rapport dil president
9. Mutaziuns da commembers (as)
10. Elecziuns:
  - a) president – reelecziun
  - b) vicepresidente – reelecziun
  - c) 2 suprastonts – niev
  - d) 1 revisur da quen – niev
11. Credit punt nova Sulagval
12. Damonda – contribuziun Beach-Volleyball, Plaun Petschen
13. Damonda – contribuziun Caplutta s. Benedetg
14. Orientaziuns
15. Varia

Bugen sperein nus ch'in numerus diember da commembras e commembers (era novizs ein beinvegner) resalvien quella sera en favur dil turissem. *Sumvitg Turissem*  
Cordialmein envida *la cumissiun da cultura Sumvitg*

## **Camp Cadi 2: Communicaziun impurtonta!**

Preziai geniturs, prezia iuvenils

Muort incaps cun nossa casa stada reservada per nus en Belgia vein nus stiu midar dimora e datum dil camp en Belgia 2010. Il camp ha liug **niev ina jamna avon, pia denter dumengia, ils 27 da zercladur entochen sonda, ils 3 da fenadur 2010.** Nus supplichein tut tgi ch'ei s'annunziaus da comunicar a nus schebein el/ella sa vegnir. Il niev program anfleis sin nossa homepage. Entras la nova situaziun san iuvenils che vulan era aunc vegnir s'annunziar sut [www.campscadi.ch](http://www.campscadi.ch). Nus seperstgisein per quella midada sfurzada e sperein sin Vossa capientscha. *Camps Cadi 2*

### **Uniun samaritana Sumvitg**

Igl exercezi meinsil dil matg 2010 ha liug en rama digl exercezi dall'arge la **mesjamna, ils 12 da matg** allas 19.30 ella casa da scola ad Andiastr. Nus serimnein per ir ensemen ad Andiastr allas 18.45 sil parcadi (avon las garaschas) a Rabiús.

### **Societad cooperativa da consum Surrein-Rabiús**

Radunonza generala **Sonda, ils 5 da zercladur 2010** allas 20.00 el hotel Greina a Rabiús.

### **Meisa da miezdi (gentar communabel) dalla Pro Senectute a Surrein**

La Pro Senectute Surselva organisescha ensemen cull'ustria Greina ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quell'ocasiun cun star suentermiezdi da cumpignia cun dar in scart troccas ni auters giugs.

Liug: uustria Greina, 7173 Surrein

Datum: **venderdis, ils 14 da matg 2010 allas 12.00**

Prezi: 16 francs per persuna cumpriu gentar cun dessert e caffè

Annunzias: ein da far entochen **gievgia allas 13.00** tier uustria Greina a Surrein,  
081 943 18 68

### **Concert preparatoric per la fiasta da musica a Trun**

Mira sut Falera.

### **Club da tennis Trun**

#### **Cuors da tennis per carschi**

Mira sut Trun.

### **Club da ballapei Trun/Rabiús**

#### **Campionadi da ballapei**

Mira sut Trun.

### **Biblioteca Trun**

Mira sut Trun.

### **Biblioteca populara, Mustér**

Mira sut Disentis/Mustér.